



Broj: 07-14-712/18
Vogošća, 08.05.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 08.05.2018. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI
KOLEKTORA OBORINSKE KANALIZACIJE U ULICI GORNJA JOŠANICA II, NA PODRUČJU
OPĆINE VOGOŠĆA

Član 1.

Ponuda ponuđača "Bujice" d.o.o Konjic, ulica Stara čaršija broj 88. Konjic, odabrana je za izvođenje radova na izgradnji kolektora oborinske kanalizacije u ulici Gornja Jošanica II, na području općine Vogošća, kao najpovoljnija ponuda po kriteriju najniže cijene, sa ukupnom cijenom nabavke u iznosu od 99.001,99 KM bez PDV-a, odnosno 115.832,33 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 16.04.2018. godine donio Odluku o pokretanju Otvorenog postupka nabavke radova na izgradnji kolektora oborinske kanalizacije u ulici Gornja Jošanica II, na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 16.04.2018. godine pod brojem: 1353-1-3-59-3-33/18.

Sažetak Obavještenja o nabavci objavljen je u "Službenom glasniku BiH" broj: 25/18 od 20.04.2018. godine.

Tendersku dokumentaciju sa Portala javnih nabavki BiH je preuzelo 17 (sedamnaest) ponuđača. Krajnji rok za prijem ponuda je bio 03.05.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 03.05.2018. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

| R.B. | NAZIV PONUĐAČA/GRUPE PONUĐAČA | UKUPNA CIJENA (KM) bez PDV-a | POPUST | CIJENA (KM)SA POPUSTOM bez PDV-a | UKUPNA CIJENA (KM) sa PDV-om |
|------|---|------------------------------------|--------|---|------------------------------------|
| 1 | Konzorcij "Ame" d.o.o. Breza i "Fazum-gradnja" d.o.o. Ilijaš | 129.917,03 | / | / | 152.002,92 |
| 2 | "Bujice" d.o.o Konjic | 110.002,20 | / | / | 128.702,57 |
| 3 | "Manjo" d.o.o. Sarajevo | 137.425,47 | / | / | 160.787,80 |
| 4 | "Sela" d.o.o. Sarajevo | 142.847,67 | / | / | 167.131,77 |
| 5 | "Hidrom" d.o.o. Vogošća | 129.307,50 | / | / | 151.289,77 |

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-712/18 iz aprila 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda Konzorcija "Ame" d.o.o. Breza i "Fazum-gradnja" d.o.o. Ilijaš, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1 pod b) TD, a u skladu sa članom 51. Zakona traženo je da ponuđač ima na raspolaganju 1 (jedno) lice VSS VII stepen-dipl. ing. građevine-smjer niskogradnja (saobraćajnice) ili hidrotehnika, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja-građevinske struke, sa položenim stručnim ispitom i minimalno 3 godine radnog iskustva. Tačkom 7.4.2. TD pod b) je traženo da se u svrhu dokazivanja ispunjenja uslova iz tačke 7.4.1. pod b) dostavi Diploma o završenoj VSS i Uvjerenje o položenom stručnom ispitu za jednog inženjera građevinske struke (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja građevinske struke i dokaz o radnom iskustvu i radnom angažmanu.

Grupa Ponuđača-Konzorcij "Ame" d.o.o. Breza i "Fazum-gradnja" d.o.o. Ilijaš je u svojoj ponudi (strana 74. ponude) dostavila Diplomu o završenom studiju za sticanje visoke spreme, iz koje se može vidjeti da je Mataradžija Omer završio studij za sticanje visoke spreme konstruktorskog smjera na Građevinskom fakultetu u Sarajevu.

Komisija za javne nabavke cijeni da dostavljena Diploma nije u skladu sa postavljenim zahtjevima ugovornog organa iz tačke 7.4.1. pod b) TD i da ista ne ispunjava uslove postavljene u TD. Također, kroz postavljena pitanja i odgovore u vezi sa Tenderskom dokumentacijom (pitanje postavljeno dana 23.04.2018. godine) ugovorni organ je jasno

odgovorio da je "TD tačno propisao koji profil inženjera se traži, dakle dipl. ing. građevinarstva-smjer niskogradnja (saobraćajnice) ili hidrotehnika, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja-građevinske struke".

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Sela" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1.TD pod c), a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova. Tačkom 7.4.2. TD pod c) je između ostalog traženo da se kao dokazi dostave važeće saobraćajne dozvole/potvrde o registraciji (za rovokopač i kamion-kiper) te važeća upotrebna dozvola (valjak do 2 tone) za tražene građevinske mašine i tehničku opremu shodno tački 7.4.1 C.

Ponuđač "Sela" d.o.o. Sarajevo je u svojoj ponudi (strana 62. ponude) dostavio Potvrdu o registraciji za teretno vozilo Daimler-Benz, registarskih oznaka M64-E-510. Komisija za javne nabavke smatra da dostavljena Potvrda o registraciji nije validna i da ne ispunjava uslove propisane TD, iz razloga što se iz iste ne može vidjeti da je vozilo trenutno registrovano, obzirom da je datum važenja registracije istekao dana 10.12.2017. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Bujice" d.o.o. Konjic,
- "Manjo" d.o.o. Sarajevo i
- "Hidrom" d.o.o. Vogošća

ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1. TD u svojim ponudama dostavili Potvrde vanjskotrgovinske komore BiH, a u cilju dokazivanja ispunjenja uslova o primjeni preferencionalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16).

Tenderskom dokumentacijom-tačkom 9. 5. (Ispravka računskih grešaka i e-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana 07.05.2018. godine u 9:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 07.05.2018. godine, Komisija za javne nabavke je sačinila sljedeću Rang listu u Otvorenom postupku nabavke radova na izgradnji kolektora oborinske kanalizacije u ulici Gornja Jošanica II, na području općine Vogošća:

| R.B. | NAZIV PONUĐAČA | UKUPNA CIJENA (KM) bez PDV-a | UKUPNA CIJENA (KM) sa PDV-om |
|------|-------------------------|------------------------------|------------------------------|
| 1 | "Bujice" d.o.o Konjic | 99.001,99 | 115.832,33 |
| 2 | "Hidrom" d.o.o. Vogošća | 129.307,50 | 151.289,77 |
| 3 | "Manjo" d.o.o. Sarajevo | 137.425,47 | 160.787,80 |

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Bujice" d.o.o Konjic, za izvođenje radova na izgradnji kolektora oborinske kanalizacije u ulici Gornja Jošanica II, na području općine Vogošća, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 99.001,99 KM bez PDV-a, odnosno 115.832,33 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. Konzorcij "Ame" d.o.o Breza
i "Fazum-gradnja" d.o.o. Ilijaš
2. "Bujice" d.o.o Konjic
3. "Manjo" d.o.o. Sarajevo
4. "Sela" d.o.o. Sarajevo
5. "Hidrom" d.o.o. Vogošća
6. Nadležnoj Službi
7. U dosije
8. a/a

032/783-936
036/734-061
033/618-372
033/592-005
033/434-942



OPĆINSKI NAČELNIK

EDIN SMAJIC